

# Joskintza, eskulanak eta sukaldaritzaren bitartez, gizarteratzearen bidera

**Badira 20 urte baino gehiago Caritasek tailer ezberdinak eskaintzen dituela Ermuan. Ez dira ohiko ikastaroak, oinarrian beste xede bat dutelako: familien gizarteratzea, hain zuzen ere. Gaur egun 25 ermuarretik gora dabilta formazio horietan, eta haien ondoan dihardute euren denbora eta ezagutzak ezeren truke ematen dizkieten hainbat begiralek ere.**

“Josten ikasi eta nire gaztelania hobetu nahi nuen —dio Radia Moussaouik josteko makinari eragiten dion bitartean—. Jendea ezagutu nahi dut, bakarrik egotea ez delako ona, besteekin nahastatuta gusturago zaude beti”. Bera da aurtengo joskintza ikastaroan parte hartzen duen emakumeetako bat. Argi dauka josteaz gain, beste etekin batzuk aterako dizkiola formazio honi, eta hain justu horretan datza proiektua.

“Guk ez dugu ikastaroez hitz egiten, familiei zuzen-

dutako formazioei buruz baizik —dio tailerretako koordinatzailea den Esther Barrerok—. Jendea biltzeko lekua da hau, lagunak egiteko eta gaztelania praktikatzeko gunea. Aldi berean, partaideek etortzeko konpromisoa hartzen dute, eta ordutegi eta arau batzuk errespetatzeko erantzukizuna dute”.

Tailer hauetan mota askotariko jendeak hartzen du parte, jatorri, kultura eta hizkuntza ezberdina dutenek. “Hemengo jendea ere badator, gaur egun Caritasek laguntza ematen



dielako kanpokoei zein hemengoei neurri berean. Gainera, sarean egiten dugu lan Udaleko Zerbitzu Sozialekin, GKEekin, Zaldibarko psikiatrikoarekin... eta leku guzti hauetatik ere jendea etortzen zaigu”, dio Estherrek.

Azpimarratzen du, gainera, lagun horien jarrera oso ezberdina dela ikastaroaren hasieran eta amaieran. Hasieran beldurrez doazelako,

animo barik, eta bukaeran harremanak sortzen direlako, eta gauza asko konpartitzen dituztelako. “Eta adiskidetasun horrek hemendik kanpo irauten du”, dio Barrerok.

Eta parte hartzaileen ondoan, jakina, begiraleak daude, proiektu honetan ezinbestekoak direnak. Mari Carmen Jiménez, Carmen Goy eta Angelines García dira joskintza ikas-

Bitxi-denda Tailer propicia Edojurdenda



**Senén**  
1978

Diseinuak eta kalitateak bereizten gaituzte

San Pelayo zeharbidea 4 ERMUA (48260) BIZKAIA  
www.joyeriasenen.com - joyeriasenen@gmail.com



**CITROËN**  
**AUTOS AMEDI**

Zearreko buelta eraikina 3, L8 pab.  
Telefonoa 943 17 04 14



**Sagarra**  
Gastro-Pub

Probaleku 4 · Ermua · 943 946 810



GERALEKU

Bar Geraleku  
Taberna

Paco autobus geltokiaren ondoan gaude



**enolimp**  
GARBIKETA ZERBITZUAK

Tel. 618 89 29 60 - 620 13 65 23  
E-maila. enolimp@hotmail.com  
48620 Ermua (Bizkaia)

Atariak - Bulegoak - Lokal komertzialak - Enpresak  
Obra amaiera eta erreformak

www.enolimp.es



hanigan's  
Irish Tavern

Gosari, bazkari eta afariak eramateko prestatzen dugu

Astegunetan 7:00etatik zabalik  
Asteburu eta jaiegunetan,  
10:00etatik.

Komentukua z/g · 943030527

taroko arduradunak eta batzate beste, 15 urte daramatzate begirale moduan. Aurten, gainera, laguntzailer berria dute, Valentina. "Praka barrenak jaso, soineko bat zabaldu eta estutu, botoi-zuloak egin, josteko makina erabili, kremaileak ipini eta oinarriko gauzatxoak konpontzen irakastea da gure betebeharrak", azaldu du Angelinek. Baina zerk lotzen ditu ikastaroetara horrenbeste urte eta gero? "Niri gustatzen zait dakidana erakustea —dio Carmenek—, eta asebetetzen nau jakiteak jendeak hemendik irteten denean zerbait egiten dakiela". "Nik abentura bezala hartu nuen, eta gero kontua luzatzen joan zitzaidan. Orain, hona ez bator, zerbait falta zait", dio Mari Carmenek.

### Aukera gehiago

Joskintzan gain, eskulanean eta sukaldaritzan trebatzen dira parte hartzaileak. Izan ere, joskintza tailerretik eskulanetako jaio zen orain dela 4 urte. "Pertsona batzuk denbora dezente zeramaten joskintzan, eta konturatu ginen beste zerbait eskaini behar genieni", dio Estherrek. Vainicak, gurutzepuntua eta kakorraz-lana egitea zen eskulanetako zeregina, baina gaur egun denetik egiten dute: brotzeak, orratzak ipintzeko euskarriak, alfonbra txikiak, beira margotu, jaboia egin, EVA goma landu... eta den-dena birziklatutako materialarekin egiten dute.

Rafi León, Montse Fresnedo eta Arrate Lapazaran dira bultzatzaile eta ardu-



radunak, eta eurekin batera mahaiaren bueltan hamabost parte hartzaile daude aurten, adin eta jatorri guztietakoak, eta tartean ermuarrak zein mallabitarrak.

Azkenik, sukaldaritzako ikastaroa dago, joskintzako bezain zaharra dena. Besteak ez bezala, horrek hiru hilabete bakarrik irauten du, eta martxoan hasiko da. Hemengo osagaiekin egindako janariak egiten erakusten zaie parte hartzaileei. "Konturatu ginen atzerritar askok zaintzaile moduan egiten duela lan, eta hemengo janari sinpleenak prestatzeko arazoak zituztela. Elikadurari buruzko hitzaldia ere jasotzen dute, eta noizean

behin bestelako hitzaldiak ere egiten ditugu: autoestimua, aurreiritziei buruz...", azaldu du koordinatzaileak.

Horrez gain, ikastaroetan parte hartzen duten emakume eta gizonen semealabez ere arduratzen da Caritas, helduen ikastaroak burutzen diren ordu berean. PASE izena du proiektu honek (gizarte- eta eskolaguntza proiektua, alegia), eta 6 eta 12 urte bitarteko gaztetxoei zuzenduta dago. "Umeak hazten ari zaizkigunez —dio Estherrek—, aurre-nerabeekin lan egiteko proiektua lantzen dihardugu orain, eta jada 12 urtetik gorakoen taldetxoa ere sortu da".

Dorleta Vidal



**Bobby** Denetik zure maskotarentzat!

- Maskotentzako janaria
- Katu eta txakurarentzako osagarriak
- Maskoten autogarriketa
- Ileapaindegia
- Hezitzailea

Tel.: 943 05 44 20  
Bizkaia etorbidea, 11 - eskuma  
48260 ERMUA (Bizkaia)  
bobby.todoparatumascota@gmail.com

**SPARA** rehabilitazio + sostenibildetasun

BERRITZE LANAK  
ZURE ERAIKINEAN  
Ez dakizu nondik hasi?  
GURE LANTALDE TEKNIKOAK  
LAGUNDUKO DIZU

ZUK ERABAKI

www.spara.es  
info@spara.es  
943 17 70 57

IZARRA CENTRE Eralkina Zeharkalea, 36, 3º 48260 Ermua -Bizkaia-

**HO EIE** EIBARKO HIZKUNTZA ESKOLA OFIZIALA

Jardiñeta, 3  
20600 Eibar

**MATRIKULA LIBREA Otsailaren 1etik 15era**

ALEMANA, EUSKARA, FRANTSESA eta INGELESA

MATRIKULA EGITEKO:  
**www.eoieibarheo.hezkuntza.net**

ARGIBIDE GEHIAGO: **eoieibarheo@gmail.com**  
943.20.06.18